

GWERZ AR BREZEL

3/8 time signature, treble clef.

Music score with lyrics:

Kalz ne c'houl - lent ket an - zav Je - zus e - vit rou - e: Met se -
Pli - ja - du - riou hag arc'hant, ne glas - kent ne - met se ;

tu mouez ar c'hleier da c'harm en o zou - riou Hag ar c'hanol da strakal ..

Spontet an holl vro — iou.

Kalz ne c'houlent ket anzav Jezuz evit roue :
Plijaduriou hag arc'hant, ne glaskent nemet se ;
Met setu mouez ar c'hleier da c'harm en o zouriou
Hag ar c'hanol da strakal... Spontet an holl vroiou !

Euzusan traou a welomp war dachen ar brezel ;
Dre oll 'leiz a dud lac'het, 'leiz a dud o vervel !
Ha 'barz an tië goullo nag a daerou skuilhet
Gant re ar gêr o c'hortoz neb na zistroo ket

Kouezet 'n eur difenn o bro, hon zoudarded dispont
Da glemm truezus o zud eus a bell a respont
D'o c'hoar, d'o mamm, d'o fried ha d'o bugaligou...
D'imp holl 'ray vad o c'hlevet. Selaouomp o c'homjou.

* *

Diviz etre re ar gêr hag ar re lazet

2/4 time signature, treble clef.

Music score with lyrics:

Eur breur en de - voe Doue rœt d'in da ga — ret,

Gant an A — la - ma — ned kri eman bet dis - ka — ret ;



AR C'HOAR

Eur breur en devoa Doue roet d'in da garet,
Gant an Alamaned kri eman bet diskaret ;
Ha me ne oan ket eno evit stankan e wad,
Pe, goude 'voe tremenet, serri e zaoulagad.

AR BREUR

Eneb d'hon adversouri en digreden ia diroll
N'em eus ket kemeret poan ha stourmet eo argoll ;
Ma gwad, evel-se skuilhet, n'eus miret, c'hoarig kêz
D'ec'h hoc'h enor hag ho ti, hec'h iiz d'hon farrez.

AN EMZIVADED

Lac'het 'deus d'imp hon tad ker ! Truezus eo hon stad !
N'he deus hon mamm glac'h - ret ken nerz da labourat !
Piou outi a 'dostao breman d'he konforti ?
Piou a vago ac'hânomp ? Piou a zalc'ho an ti ?

O ZAD

D'ec'h-c'houi, o ma bugale, pan eo kollet ho tad,
D'ec'h eo sec'han d'ho mamm ger daerou he daoulagad ;
'N em stardet en-dro d'ezi, leun a fizians ha krenv...
Me 'bedo 'vidoc'h hon Tad, pehini 'zo en Nenv.

AN INTANVEZ

'Boe an de 'oamp eureujet, pegen mat 'oa 'vidon !
'N em zouten a raemp hon-daou ne raemp 'met eur galon !
Prim eo deut an disparti, setu-me ma-unan,
Heb eur be da vont warnan, me hag hon re vihan !

HE FRIED

Hon c'harante 'oa gwirion, ho klac'har a zo bras !
Met war-lerc'h hon mestr Jezuz c'houi a zougo ho kroaz !
C'houi 'zavo hon bugale herve lezen Doue ;
Hag en gloar ar Baradoz ni 'n em gavo gante.

AR VAMM

Gwir eo 'ta, p'hen luskellen, bihan, en e gavel,
E oa da rei da lac'han e vagen ma bugel !
Kaled eo ma flanedenn ! N'ouian ken 'met gouelan !
Me 'garje bezan gallet rei ma buhe 'vitan.

HE MAB

Betek Mamm Jezuz, pignet, ma mamm, war ar C'halvar ;
Ganti hepken ho pezo dizamm en ho klac'har :
'Vel 'neus he Mab hon frenet er groaz dre e varo,
Ho mab c'houi, en eur verval, 'zikour daspren ar vro.

TUD AR BARREZ

Nag a bôtres, sul ha gouel, a gane 'n hon iliz !
Ped oute, o ma Doue, a deuio war o c'hiz ?
En-dro d'imp e kresk bemde ar re a zoug kanvou ;
E pevar c'horn ar barrez e klever hirvoudou !

AR ZOUDARDED LAZET

Ober kanvou 'zo dleet : hon Zalver a ouelas
Gant Madalen ha Marta war o breur pa varvas...
Breman pedet evidomp ha roet aluzen
'Vit ma vo er Purgator berroc'h hon finijen.

HOLL GRISTENIEN AR VRO

Penôs miret gras Doue ha kerzet 'n e lezen
Anez ar zakramanchou, anez ar veleien ?
Kalz anê zo 'kreiz an tan, kalz a goll o bue,
Ha ni 'chomo hep pastor evel tud divade !

AR VELEIEN

Ni 'oa karget d'ho kelen ha d'ho ren er brezel
A voug eneou a-vern dre ar pec'hed marvel ;
Pedet Jezuz ha Mari, hag eus ho pugale
Dibabet ar re furan, grêt beleien neve.

* * *

D'AN HOLL VRETONED

War don ar pozou kenta.

Dindan hevelep gwalen aheurtet na chomomp !
A-vreman, o ma Jezuz, c'houi 'vo roue warnomp.
Brezel, eta, d'ar pec'hed, da bep eur, e pep lec'h,
Ha d'hon bro ger, hep dale, Doue da roy an trec'h !

Evel-se bezet graet !

NIHIL OBSTAT

Brioci, die 10^a Augusti 1916

J.-B. CARLUER,
Can. tit. censor.

IMPRIMATUR

Brioci, die 10^a Augusti 1916

Y.-M. LE PENNEC.
Vic. gén.

